

הושע

14 13 12 11 10 9 8 7 6 5 4 3 2 1

הפרק 1

1 בר יהוה אשר היה אל הושע בן בארי בימי עזיה יותם אחז יחזקיה מלכי יהודה ובימי ירבעם בן יואש מלך ישראל

2 תחלת דבר יהוה בהושע ויאמר יהוה אל הושע לך קח לך אשת זנונים כי זנה תזנה הארץ מאחרי יהוה

3 וילך ויקח את גמר בת דבלים ותהר ותלד לו בן

4 ויאמר יהוה אליו קרא שמו יזרעאל כי עוד מעט ופקדתי את דמי יזרעאל על בית יהוה והשבתי ממלכות בית ישראל

5 והיה ביום ההוא ושברתי את קשת ישראל בעמק יזרעאל

6 ותהר עוד ותלד בת ויאמר לו קרא שמה לא רחמה כי לא אוסיף עוד ארחם את בית ישראל כי נשא אשא להם

7 ואת בית יהודה ארחם והושעתיים ביהוה אלהיהם ולא אושיעם בקשת ובחרב ובמלחמה בסוסים ובפרשים

8 ותגמל את לא רחמה ותהר ותלד בן

9 ויאמר קרא שמו לא עמי כי אתם לא עמי ואנכי לא אהיה לכם

10 והיה מספר בני ישראל כחול הים אשר לא ימד ולא יספר והיה במקום אשר יאמר להם לא עמי אתם יאמר להם בני אל חי

11 ונקבצו בני יהודה ובני ישראל יחדו ושמו להם ראש אחד ועלו מן הארץ כי גדול יום יזרעאל

הפרק 2

א מרו לאחיכם עמי ולאחותיכם רחמה

2 ריבו באמכם ריבו כי היא לא אשתי ואנכי לא אישה ותסר זנוניה מפניה ונאפופיה מבין שדיה

3 פן אפשיטנה ערמה והצגתיה כיום הולדה ושמתייה כמדבר ושתה כארץ ציה והמתיה בצמא

4 ואת בניה לא ארחם כי בני זנונים המה

5 כי זנתה אמם הבישה הורתם כי אמרה אלכה אחרי מאהבי נתני לחמי ומימי צמרי ופשתי שמני ושקוי

6 לכן הנני שך את דרכך בסירים וגדרתי את גדרה ונתיבותיה לא תמצא

7 ורדפה את מאהביה ולא תשיג אתם ובקשתם ולא תמצא ואמרה אלכה ואשובה אל אישי הראשון כי טוב לי אז מעתה

8 והיא לא ידעה כי אנכי נתתי לה הדגן והתירוש והיצהר וכסף הרביתי לה וזהה עשו לבעל

9 לכן אשוב ולקחתי דגני בעתו ותירושי במועדו והצלתי צמרי ופשתי לכסות את ערותה

10 ועתה אגלה את נבלתה לעיני מאהביה ואיש לא יצילנה מידי

¹¹והשבתי כל משושה חגה חדשה ושבתה וכל מועדה

¹²והשמתי גפנה ותאנתה אשר אמרה אתנה המה לי אשר נתנו לי מאהבי ושמתי לי ער ואכלתם חית השדה

¹³ופקדתי עליה את ימי הבעלים אשר תקטיר להם ותעד נזמה וחליתה ותלך אחרי מאהביה ואתי שכחה נאם יהוה

¹⁴לכן הנה אנכי מפתיה והלכתי המדבר ודברתי על לבה

¹⁵ונתתי לה את כרמיה משם ואת עמק עכור לפתח תקוה וענתה שמה כימי נעוריה וכיום עלתה מארץ מצרים

¹⁶והיה ביום ההוא נאם יהוה תקראי אישי ולא תקראי לי עוד בעלי!

¹⁷והסרתי את שמות הבעלים מפיה ולא יזכרו עוד בשמם

¹⁸וכרתי להם ברית ביום ההוא עם חית השדה ועם עוף השמים ורמש האדמה וקשת וחרב ומלחמה אשבור מן הארץ והשכבתים לבטח

¹⁹וארשתיך לי לעולם וארשתיך לי בצדק ובמשפט ובחסד וברחמים

²⁰וארשתיך לי באמונה וידעת את יהוה

²¹והיה ביום ההוא אענה נאם יהוה אענה את השמים והם יענו את הארץ

²²והארץ תענה את הדגן ואת התירוש ואת היצהר והם יענו את יזרעאל

²³וזרעתי לי בארץ ורחמתי את לא רחמה ואמרתי ללא עמי עמי אתה והוא יאמר אלהי!

הפרק 3

יאמר יהוה אלי עוד לך אהב אשה אהבת רע ומנאפת כאהבת יהוה את בני ישראל והם פנים אל אלהים אחרים ואהבי אישי ענבים

²ואכרה לי בחמשה עשר כסף וחמר שערים ולתך שערים

³ואמר אליה ימים רבים תשבי לי לא תזני ולא תהיי לאיש וגם אני אליך

⁴כי ימים רבים ישבו בני ישראל אין מלך ואין שר ואין זבח ואין מצבה ואין אפוד ותרפים

⁵אחר ישבו בני ישראל ובקשו את יהוה אלהיהם ואת דויד מלכם ופחדו אל יהוה ואל טובו באחרית הימים

הפרק 4

שמעו דבר יהוה בני ישראל כי ריב ליהוה עם יושבי הארץ כי אין אמת ואין חסד ואין דעת אלהים בארץ

²אלה וכחש ורצח וגנב ונאף פרצו ודמים בדמים נגעו

³על כן תאבל הארץ ואמלל כל יושב בה בחית השדה ובעוף השמים וגם דגי הים יאספו

⁴אך איש אל ירב ואל יוכח איש ועמך כמריבי כהן

⁵וכשלת היום וכשל גם נביא עמך לילה ודמיתי אמך

⁶נדמו עמי מבלי הדעת כי אתה הדעת מאסת ואמאסאך מכהן לי ותשכח תורת אלהיך אשכח בניך גם אני

⁷כרבתם כן חטאו לי כבודם בקלון אמי

⁸חטאת עמי יאכלו ואל עונם ישאו נפשו

⁹והיה כעם ככהן ופקדתי עליו דרכיו ומעלליו אשיב לו

¹⁰ואכלו ולא ישבעו הזנו ולא יפרצו כי את יהוה עזבו לשמה

¹¹זנות ויין ותירוש יקח לב

¹²עמי בעצו ישאל ומקלו יגיד לו כי רוח זנונים התעה וזינו מתחת אלהיהם

¹³על ראשי ההרים יזבחו ועל הגבעות יקטרו תחת אלון ולבנה ואלה כי טוב צלה על כן תזנינה בנותיכם וכלותיכם תנאפנה
¹⁴לא אפקוד על בנותיכם כי תזנינה ועל כלותיכם כי תנאפנה כי הם עם הזנות יפרדו ועם הקדשות יזבחו ועם לא יבין ילבט
¹⁵אם זנה אתה ישראל אל יאשם יהודה ואל תבאו הגלגל ואל תעלו בית און ואל תשבועו חי יהוה
¹⁶כי כפרה סררה סרר ישראל עתה ירעם יהוה ככבש במרחב
¹⁷חבור עצבים אפרים הנח לו
¹⁸סר סבאם הזנה הזנו אהבו הבו קלון מגניה
¹⁹צרר רוח אותה בכנפיה ויבשו מזבחותרם

הפרק 5

שמעו זאת הכהנים והקשיבו בית ישראל ובית המלך האזינו כי לכם המשפט כי פח הייתם למצפה ורשת פרושה על תבוא
²ושחטה שטים העמיקו ואני מוסר לכלם
³אני ידעתי אפרים וישראל לא נכחד ממני כי עתה הזנית אפרים נטמא ישראל
⁴לא יתנו מעלליהם לשוב אל אלהיהם כי רוח זנונים בקרבם ואת יהוה לא ידעו
⁵וענה גאון ישראל בפניו וישראל ואפרים יכשלו בעונם כשל גם יהודה עמם
⁶בצאנם ובבקרם ילכו לבקש את יהוה ולא ימצאו חלץ מהם
⁷ביהוה בגדו כי בנים זרים ילדו עתה יאכלם חדש את חלקיהם
⁸תקעו שופר בגבעה חצצרה ברמה הריעו בית און אחריו בנימין
⁹אפרים לשמה תהיה ביום תוכחה בשבטי ישראל הודעתי נאמנה
¹⁰היו שרי יהודה כמסיגי גבול עליהם אשפוך כמים עברתי
¹¹עשוק אפרים רצון משפט כי הואיל הלך אחרי צו
¹²ואני כעש לאפרים וכרקב לבית יהודה
¹³יורא אפרים את חליו ויהודה את מזרו וילך אפרים אל אשור וישלח אל מלך ירב והוא לא יוכל לרפא לכם ולא יגהה מכם מזור
¹⁴כי אנכי כשחל לאפרים וככפיר לבית יהודה אני אני אטרף ואלך אשא ואין מציל
¹⁵אלך אשובה אל מקומי עד אשר יאשמו ובקשו פני בצר להם ישחרנני

הפרק 6

לכו ונשובה אל יהוה כי הוא טרף וירפאנו יך ויחבשנו
²יחינו מימים ביום השלישי יקמנו ונחיה לפניו
³ונדעה נרדפה לדעת את יהוה כשחר נכון מצאו ויבוא כגשם לנו כמלקוש יורה ארץ
⁴מה אעשה לך אפרים מה אעשה לך יהודה וחסדכם כענן בקר וכטל משכים הלך
⁵על כן חצבתי בנביאים הרגתים באמרי פי ומשפטיך אור יצא
⁶כי חסד חפצתי ולא זבח ודעת אלהים מעלות
⁷והמה כאדם עברו ברית שם בגדו בי
⁸גלעד קרית פעלי און עקבה מדם
⁹וכחכי איש גדודים חבר כהנים דרך ירצחו שכמה כי זמה עשו
¹⁰בבית ישראל ראיתי שעריה שם זנות לאפרים נטמא ישראל
¹¹גם יהודה שת קציר לך בשובי שבות עמי

הפרק 7

כרפאי לישראל ונגלה עון אפרים ורעות שמרון כי פעלו שקר וגנב יבוא פשט גדוד בחוץ¹
ובל יאמרו ללבבם כל רעתם זכרתי עתה סבבום מעלליהם נגד פני היו²
ברעתם ישמחו מלך ובכחשיהם שרים³
כלם מנאפים כמו תנור בערה מאפה ישובות מעיר מלוש בצק עד חמצתו⁴
יום מלכנו החלו שרים חמת מיין משך ידו את לצצים⁵
כי קרבו כתנור לבם בארבע כל הלילה ישן אפהם בקר הוא בער כאש להבה⁶
כלם יחמו כתנור ואכלו את שפטיהם כל מלכיהם נפלו אין קרא בהם אלי⁷
אפרים בעמים הוא יתבולל אפרים היה עגה בלי הפוכה⁸
אכלו זרים כחו והוא לא ידע גם שיבה זרקה בו והוא לא ידע⁹
וענה גאון ישראל בפניו ולא שבו אל יהוה אלהיהם ולא בקשהו בכל זאת¹⁰
ויהי אפרים כיונה פותה אין לב מצרים קראו אשור הלכו¹¹
כאשר ילכו אפרוש עליהם רשתי כעוף השמים אורידם איסרם כשמע לעדתם¹²
אוי להם כי נדדו ממני שד להם כי פשעו בי ואנכי אפדם והמה דברו עלי כזבים¹³
ולא זעקו אלי בלבם כי ילילו על משכבותם על דגן ותירוש יתגוררו יסורו בי¹⁴
ואני יסרתי חזקתי זרועתם ואלי יחשבו רע¹⁵
ישוּבו לא על היו כקשת רמיה יפלו בחרב שריהם מזעם לשונם זו לעגם בארץ מצרים¹⁶

הפרק 8

אל חכך שפר כנשר על בית יהוה יען עברו בריתי ועל תורתי פשעו¹
לי יזעקו אלהי ידענוך ישראל²
זנח ישראל טוב אויב ירדפו³
הם המליכו ולא ממני השירו ולא ידעתי כספם וזהבם עשו להם עצבים למען יכרת⁴
זנח עגלך שמרון חרה אפי בם עד מתי לא יוכלו נקין⁵
כי מישראל והוא חרש עשהו ולא אלהים הוא כי שבבים יהיה עגל שמרון⁶
כי רוח יזרעו וסופתה יקצרו קמה אין לו צמח בלי יעשה קמח אולי יעשה זרים יבלעהו⁷
נבלע ישראל עתה היו בגוים ככלי אין חפץ בו⁸
כי המה עלו אשור פרא בודד לו אפרים התנו אהבים⁹
גם כי יתנו בגוים עתה אקבצם ויחלו מעט ממשא מלך שרים¹⁰
כי הרבה אפרים מזבחת לחטא היו לו מזבחות לחטא¹¹
אכתוב לו רבו תורתי כמו זר נחשבו¹²
זבחי הבהבי יזבחו בשר ויאכלו יהוה לא רצם עתה יזכר עונם ויפקד חטאותם המה מצרים ישוּבו¹³
וישכח ישראל את עשהו ויבן היכלות ויהודה הרבה ערים בצרות ושלחתי אש בעריו ואכלה¹⁴
ארמנתיח

הפרק 9

אל תשמח ישראל אל גיל כעמים כי זנית מעל אלהיך אהבת אתנן על כל גרנות דגן¹
גרן ויקב לא ירעם ותירוש יכחש בה²
לא ישבו בארץ יהוה ושב אפרים מצרים ובאשור טמא יאכלו³
לא יסכו ליהוה יין ולא יערבו לו זבחייהם כלחם אונים להם כל אכליו יטמאו כי לחמם לנפשם לא⁴

יבוא בית יהוה

⁵מה תעשו ליום מועד וליום חג יהוה

⁶כי הנה הלכו משד מצרים תקבצם מן תקברם מחמד לכספם קמוש יירשם חוח באהליהם

⁷באו ימי הפקדה באו ימי השלם ידעו ישראל אויל הנביא משגע איש הרוח על רב עונך ורבה משטמה

⁸צפה אפרים עם אלהי נביא פח יקוש על כל דרכיו משטמה בבית אלהיו

⁹העמיקו שחתו כימי הגבעה יזכור עונם יפקוד חטאתם

¹⁰כענבים במדבר מצאתי ישראל כבכורה בתאנה בראשיתה ראיתי אבותיכם המה באו בעל פעור וינזרו לבשת ויהיו שקוצים כאהבם

¹¹אפרים כעוף יתעופף כבודם מלדה ומבטן ומהריון

¹²כי אם יגדלו את בניהם ושכלתים מאדם כי גם אוי להם בשורי מהם

¹³אפרים כאשר ראיתי לצור שתולה בנוה ואפרים להוציא אל הורג בניו

¹⁴תן להם יהוה מה תתן תן להם רחם משכיל ושדים צמקים

¹⁵כל רעתם בגלגל כי שם שנאתים על רע מעלליהם מביתי אגרשם לא אוסף אהבתם כל שריהם סררים

¹⁶הכה אפרים שרשם יבש פרי בלי יעשון גם כי ילדון והמתי מחמדי בטנם

¹⁷ימאסם אלהי כי לא שמעו לו ויהיו נדדים בגוים

הפרק 10

אפן בוקק ישראל פרי ישוה לו כרב לפריו הרבה למזבחות כטוב לארצו היטיבו מצבות

²חלק לבם עתה יאשמו הוא יערף מזבחותם ישדד מצבותם

³כי עתה יאמרו אין מלך לנו כי לא יראנו את יהוה והמלך מה יעשה לנו

⁴דברו דברים אלות שוא כרת ברית ופרח כראש משפט על תלמי שדי

⁵לעגלות בית און יגורו שכן שמרון כי אבל עליו עמו וכמריו עליו יגילו על כבודו כי גלה ממנו

⁶גם אותו לאשור יובל מנחה למלך ירב בשנה אפרים יקח ויבוש ישראל מעצתו

⁷נדמה שמרון מלכה כקצף על פני מים

⁸ונשמדו במות און חטאת ישראל קוץ ודרדר יעלה על מזבחותם ואמרו להרים כסונו ולגבעות נפלו עלינו

⁹מימי הגבעה חטאת ישראל שם עמדו לא תשיגם בגבעה מלחמה על בני עלוה

¹⁰באותי ואסרם ואספו עליהם עמים באסרם לשתי עינתם

¹¹ואפרים עגלה מלמדה אהבתי לדוש ואני עברתי על טוב צוארה ארכיב אפרים יחרוש יהודה ישדד לו יעקב

¹²זרעו לכם לצדקה קצרו לפי חסד נירו לכם ניר ועת לדרוש את יהוה עד יבוא וירה צדק לכם

¹³חרשתם רשע עולתה קצרתם אכלתם פרי כחש כי בטחת בדרכך ברב גבוריך

¹⁴וקאם שאון בעמך וכל מבצריך יושד כשד שלמן בית ארבאל ביום מלחמה אם על בנים רטשה

¹⁵ככה עשה לכם בית אל מפני רעת רעתכם בשחר נדמה נדמה מלך ישראל

הפרק 11

ינער ישראל ואהבהו וממצרים קראתי לבני

²קראו להם כן הלכו מפניהם לבעלים יזבחו ולפסלים יקטרו

³ואנכי תרגלתי לאפרים קחם על זרועתיו ולא ידעו כי רפאתים

⁴בחבלי אדם אמשכם בעבתות אהבה ואהיה להם כמרימי על על לחיהם ואט אליו אוכיל

⁵לא ישוב אל ארץ מצרים ואשור הוא מלכו כי מאנו לשוב
⁶וחלה חרב בעריו וכלתה בדיו ואכלה ממעצותיהם
⁷ועמי תלואים למשובתי ואל על יקראוהו יחד לא ירומם
⁸איך אתנך אפרים אמגנך ישראל איך אתנך כאדמה אשימך כצבאים נהפך עלי לבי יחד נכמרו
נחומי
⁹לא אעשה חרון אפי לא אשוב לשחת אפרים כי אל אנכי ולא איש בקרבך קדוש ולא אבוא בעיה
¹⁰אחרי יהוה ילכו כאריה ישאג כי הוא ישאג ויחרדו בנים מים
¹¹יחרדו כצפור ממצרים וכיונה מארץ אשור והושבתים על בתיהם נאם יהוה
¹²סבבני בכחש אפרים ובמרמה בית ישראל ויהודה עד רד עם אל ועם קדושים נאמן

הפרק 12

אפרים רעה רוח ורדף קדים כל היום כזב ושד ירבה וברית עם אשור יכרתו ושמן למצרים יובל
²ורייב ליהוה עם יהודה ולפקד על יעקב כדרכיו כמעלליו ישיב לו
³בבטן עקב את אחיו ובאונן שרה את אלהים
⁴וישיר אל מלאך ויכל בכה ויתחנן לו בית אל ימצאנו ושם ידבר עמנו
⁵ויהוה אלהי הצבאות יהוה זכרו
⁶ואתה באלהיך תשוב חסד ומשפט שמר וקוה אל אלהיך תמיד:
⁷כנען בידו מאזני מרמה לעשק אהב
⁸ויאמר אפרים אך עשרתי מצאתי און לי כל יגיעי לא ימצאו לי עון אשר חטא
⁹ואנכי יהוה אלהיך מארץ מצרים עד אושיבך באהלים כימי מועד:
¹⁰ודברתי על הנביאים ואנכי חזון הרביתי וביד הנביאים אדמה
¹¹אם גלעד און אך שוא היו בגלגל שורים זבחו גם מזבחותם כגלים על תלמי שדי:
¹²ויברח יעקב שדה ארם ויעבד ישראל באשה ובאשה שמה
¹³ובנביא העלה יהוה את ישראל ממצרים ובנביא נשמה
¹⁴הכעיס אפרים תמרורים ודמיו עליו יטוש וחרפתו ישיב לו אדניו

הפרק 13

כדבר אפרים רתת נשא הוא בישראל ויאשם בבעל וימת
²ועתה יוספו לחטא ויעשו להם מסכה מכספם כתבונם עצבים מעשה חרשים כלה להם הם אמרים
זבחי אדם עגלים ישקון
³לכן יהיו כענן בקר וכטל משכים הלך כמץ יסער מגרן וכעשן מארבה
⁴ואנכי יהוה אלהיך מארץ מצרים ואלהים זולתי לא תדע ומושיע אין בלתי:
⁵אני ידעתיך במדבר בארץ תלאבות
⁶כמרעיתם וישבעו שבעו וירם לבם על כן שכחוני:
⁷ואהי להם כמו שחל כנמר על דרך אשור
⁸אפגשם כדב שכול ואקרע סגור לבם ואכלם שם כלביא חית השדה תבקעם
⁹שחתך ישראל כי בי בעזרך
¹⁰אהי מלכך אפוא ויושיעך בכל עריך ושפטיך אשר אמרת תנה לי מלך ושרים
¹¹אתן לך מלך באפי ואקח בעברתי:
¹²צור עון אפרים צפונה חטאתו
¹³חבלי יולדה יבאו לו הוא בן לא חכם כי עת לא יעמד במשבר בנים

¹⁴מיד שאול אפדם ממות אגאלם אהי דברִיך מות אהי קטבך שאול נחם יסתר מעיני:

¹⁵כי הוא בין אחים יפריא יבוא קדים רוח יהוה ממדבר עלה ויבוש מקורו ויחרב מעינו הוא ישסה
אוצר כל כלי חמדה

¹⁶תאשם שמרון כי מרתה באלהיה בחרב יפלו עלליהם ירטשו והריותיו יבקעו

הפרק 14

שובה ישראל עד יהוה אלהיך כי כשלת בעונך:

²קחו עמכם דברים ושובו אל יהוה אמרו אליו כל תשא עון וקח טוב ונשלמה פרים שפתינו

³אשור לא יושיענו על סוס לא נרכב ולא נאמר עוד אלהינו למעשה ידינו אשר בך ירחם יתום

⁴ארפא משובתם אהבם נדבה כי שב אפי ממנו

⁵אהיה כטל לישראל יפרח כשושנה ויך שרשיו כלבנון

⁶ילכו ינקותיו ויהי כזית הודו וריח לו כלבנון

⁷ישבו ישבי בצלו יחיו דגן ויפרחו כגפן זכרו כיין לבנון

⁸אפרים מה לי עוד לעצבים אני עניתי ואשורנו אני כברוש רענן ממני פריך נמצא

⁹מי חכם ויבן אלה נבון וידעם כי ישרים דרכי יהוה וצדקים ילכו בם ופשעים יכשלו בם